

**Bosna i Hercegovina**  
**FEDERACIJA BOSNE I HERCEGOVINE**  
**AGENCIJA ZA NADZOR OSIGURANJA**  
**FEDERACIJE BOSNE I HERCEGOVINE**  
**SARAJEVO**

Službene novine Federacije BiH, broj 81/06

Na osnovu čl. 3., 8. i 10. Zakona o društvima za osiguranje u privatnom osiguranju («Službene novine Federacije BiH», broj: 24/05) i člana 16. Statuta Agencije za nadzor osiguranja Federacije Bosne i Hercegovine, Stručni savjet Agencije za nadzor osiguranja Federacije Bosne i Hercegovine, donosi

**ODLUKU**  
**O USLOVIMA OSIGURANJA KOD INOSTRANOG OSIGURAVATELJA**

Član 1.

Ovom Odlukom propisuju se uslovi pod kojim fizička i pravna lica iz Federacije Bosne i Hercegovine (u daljem tekstu: ugovaratelj osiguranja) mogu, izuzetno, zaključivati ugovore o osiguranju sa društvima za osiguranje koja nisu registrovana u Bosni i Hercegovini (u daljem tekstu: inostrani osiguravatelj).

Član 2.

Ugovaratelj osiguranja, kod inostranog osiguravatelja, može osigurati:

1. investicione radove u inostranstvu koje izvode privredna društva iz Federacije Bosne i Hercegovine (u daljnjem tekstu: Federacije), kao i opremu za izvođenje tih radova, ako je to ugovoreno, odnosno, predviđeno propisima zemlje u kojoj se radovi izvode;
2. inostrane kredite, radi osiguranja vraćanja tih kredita, ako je to, na zahtjev davaoca kredita, ugovorom predviđeno;
3. imovinu i lica privrednih društava iz Federacije i mješovitih privrednih društava osnovanih za obavljanje privrednih djelatnosti u inostranstvu, ako je to predviđeno propisima zemlje u kojoj privredno društvo djeluje, odnosno ako je to izričito predviđeno ugovorom o osnivanju;
4. imovinu i lica, od rizika od kojih se u Federaciji ne vrši osiguranje, odnosno u slučaju kada društva za osiguranje iz Federacije ne mogu osigurati pokriće koje potencijalni ugovaratelj traži;
5. robu koja se izvozi ili uvozi u Federaciju, ako se ista prevozi na rizik inostranog fizičkog ili pravnog lica.

Član 3.

Osiguranje kod inostranog osiguravatelja, može se realizovati samo posredstvom osiguravatelja iz Federacije.

Bez posredovanja osiguravatelja iz Federacije, moguće je osigurati investicione radove i opremu za izvođenje tih radova, ako propisi zemlje u kojoj se izvode radovi to zahtjevaju.

Član 4.

Investicioni radovi i oprema za izvođenje radova, na teritoriji Federacije, osiguravaju se isključivo kod društava za osiguranje registrovanih u Federaciji.

Član 5.

Ova Odluka stupa na snagu osmog dana od dana objavljivanja u «Službenim novinama Federacije BiH».

PREDSJEDNIK STRUČNOG SAVJETA  
mr. Zaim Hećo, v.r.

Broj: 1.0.-021-625-3/06  
Sarajevo, 20.12.2006.godine